

stadori, dando principio a far una faiata, sperando aver li 40 guastatori, li fo promesso, li quali mai veneno; e, venuto zorno, non havendo con quelli pochi potuto compir l'opera, si levoe de li lassando la cosa imperfecta, e torneoe al suo alozamento *etc.*

Dil dito, ivi, di 29. Come ha aviso, marti passato, el vescovo di Trento esser zonto in Verona con zereha fanti 300 de quelli dil contado, tutti discalzi; e, se afferma in Verona, monsignor di Barbon esser zonto sul milanexe con cavali 50 et alcuni zenthilomeni francesi, qual, se dice, esser venuto per governador dil-campo francese.

107

*Exemplum**Laus Deo.*

1511, a di 14 april, in Chandia.

Achixaide turcho, marchadante de Pera, esistente sopra el prexente galion, patron Charagoxa, turcho de Galipollj, che è chapitato de qui, costituito avanti la Signoria, domandatto donde el vien, dise manchar de Alexandria zorni 11; et dise, che sono cereha mexi do, che se trovò avanti la persona del signor soldam, et in quello vette venir, davanti la persona de ditto signor, el consollo de Damasecho con li marchadanti, qualli, juditio suo, dise che erano 5 in zereha, con el qual dicto signor soldan parlò longamente insistendo sopra le chose del Sofi. E stando in tal parlamentto, fese esso signor menar do christianj, qual erano stà prexi al Vira, verso Alepo, li quali dicevano haver letere de Sofi mandatte a la illustrissima Signoria nostra, li quali confesano, *etiam* per avanti esser stadi a Venexia con letere del ditto Sofi. Anche per suo andar a Venexia hebene letere del ditto consollo de Damasecho diretive al regimento de Zipro, in rechommandation de lj dictj messj; et per ditto chauxa, ditto signor soldan, turbatto con el consollo, disendoli non era consolo, ma spia, lo feze meter in ferj insieme con tutti li marchadantj, et reposto in chaxa de Bene Mussa. El consollo veramente de Alexandria, el qual in quella medexema hora vene davanti el signor soldan, dimandatto sopra tal letere, dise non saper chosa alchuna de quello, e però non fu meso in ferj ditto consollo, ma *solum* li marchadantj sui. El qual consollo, insieme con li sopraditti sui marchadantj, sono mexi in chaxa del Nadrachas, et li marchadantj, in ferj; li quali, fino al partir de questo costituito, che fu a di 4 de l'istante, per quanto intexe, non erano stà expediti.

Domandatto per el consollo de' chatalanj, disse, ch'è in chaxa del Nadrachas, in una stantia separatta da quella del consollo de Alexandria et marchadantj, el qual consollo de' chatalanj è in Zime, sotto stretta custodia, et dise, che volendo andar li sui sopra, a comprar chose da manzare, vano in chadene con guardie.

Domandatto zereha le marchantie, si se fano contratti in Alexandria, dise, non se far altra merchantia se non de le spetie del soldam, de le qual è stà contrattà in questi zornj con alcuni marchadantj, che andorno li con una nave charga de ogi, noxelle et chastagne, qual, se diseva, esser venetiana, ma non se sa particolarmente.

Domandatto del pretio de le spetie che chore li, dize, el piper choreva ducati 110 la sportta; zenzeri boni, ducati 30 el kantaro, medioeri, ducati 16; gaxi, ducati 73 in 74; li el cento, ducati . . . li boni, li altri ducati 55 fin 60; lache, gumatj ducati 40 el kantaro; lache con baratto, ducati 16; in zeneri, ducati 8, fino 10 el kantaro; noxe muschade, ducati 45 el cento, mazis, ducati 110 el cento, chanelle, ducati 25 el kantaro, spigo ducati 40 in 45 el kantaro, piper longo, ducati 40 el kantaro, indego, ducati 60 el zecello. *Dize etiam* chasie, el ha dal Chaiero, esser stà vendutte ducati 5 el kantaro; siene, ducati 2 el kantaro, dal Chaiero.

Domandatto zereha li magazenj de' marchadantj nostri d'Alexandria, dize, che da zereha uno mexe $\frac{1}{2}$, per zerti galiottj de alchune gallie de' turchj, erano in Alexandria, furno rotte le porte de' ditti magazeni, et se hanno molte peze de pano et quelle portade in galia; onde che havendo inteso questo, lo armiragio de Alexandria chavalchè con zertti mamalucchi et feze zerehar, trovò quasi tutti li panj preditti, li qual feze portar in chaxa sua.

Domandato se li marchadantj, sono in Alexandria, contratano marchattj de li, dize, che contratavano si a vender, come a comprar a menudo.

Domandatto zereha lj frattj de Hierusalem, dize, che anchora sono li in chaxa del Nadrachas, insieme con el consollo de' chatelanj, aspetando risposta de le barze, una mandatta a Rhodi et l'altra in Franza.

Domandatto, avanti el partir suo, quanto tempo hebe nove dal Chaiero, risponde che rixavilte nove dal Chaiero zereha una setemana avanti el suo partir, el qual dize che le chose stavano anchora quasi, et altro dise non saper.

Mareho de Stefano, schiavo, fo chalafao de la nave, patron sier Thomaxo de Ruscha, da Raguxj, con el sopraschritto galion de quj, dimandatto de le chose